

Ley di Cacho t'ey pa yuda

Polis ta motiva doñonan di cacho pa ta mas responsabel

ORANJESTAD- Polis di Bario pa Noord, Klaas Meijerhof, hunto cu tres Polis mas ta forma e "Taskforce Ley di Cacho" di Cuerpo Policial Aruba cu actualmente ta activo den districto di Noord controlando pa cu e cumplimiento cu e ley di cacho cu a bin na vigor recientemente. A bin cu e idea pa cuminsa un taskforce, cu mesora a conta cu apoyo di Mando Policial, pa parti den 11 bario den cual ta eherciando control awor.

E taskforce a cuminsa funciona riba dia 1 di juli y tres luna despues apenas nan ta trahando den e di 3 bario. Ya caba a parti mas of menos 96 advertencia y 5 proces-verbaal



den transcurso di tres luna. Polis Meijerhof a subraya cu e taskforce no t'ey pa traha proces-verbaal, pero pa informa e comunidad tocante con pa cuida nan cacho miho. El a splica cu riba cada advertencia cu nan laga atras na un cas of cu e doño di cacho mes, nan ta pone nan number di telefon y ta semper disponibel pa bin na e cas y den e situacion actual, splica e doño e situacion, duna consejo y sugeri solucionnan.

Alvin Zara, kende ta "Agent eerste klasse", ta bisa cu nan tarea ta pa mantene ordo y e ley di cacho. E meta no ta pa parti boet, pero pa crea un cambio di mentalidad den hende kico pa haci ora e tin cacho. E taskforce kier pa doñonan di cacho ta consciente y responsabel. Ademas, nan kier pa comunidad tam-



be ta consciente di e hecho cu nan no ta dogcatcher tampoco pa e cachonan cu no tin doño.

Veterinario Andreina Contreras, kende ta miembro di e Plataforma Ley di Cacho a



splica cu e plataforma a yuda pone e ley den funcion. E ta splica cu e reglanan stipula den e ley ta riba e pagina di Facebook di e plataforma y riba website pa tur hende lesa pa sa kico e ley ta encera.

E ley a bin door cu mester bin miho cuida di cacho y ta pa beneficia e cacho. E cacho mester tin sombra, bon cuminda y awa fresco. Si e doño no tin su cura cera e cacho mester ta na un looplijn di 10 meter largo y e parti unda e cacho ta mara na e looplijn mester ta 2 meter largo. E otro opcion ta pa e doño traha un kennel di por lo menos 7 meter cuadra pa tene e cacho. E ley t'ey pa protege e cacho pa e tin un miho bida. Esaki ta encera tambe cu e cacho mes-



ta asisti cu e parti pa e wordo aplica den comunidad. E plataforma, cu ta un consejo di consulta, ta provee training pa polis, y ta percura pa tur hende involvi tin e mesun vision riba e problema.

E unico cos cu ta yuda ta crea doñonan di cacho responsabel. Actualmente Aruba tin un cacho pa cada tres residente y e plataforma lo kier wak esaki baha y stabilisa na



ter ricibi su cuida preventivo pa malesa. Solucionnan cu e ley tin den dje ta costa menos cu e boet cu e doño por ricibi si e no cumpli cu e ley.

E ex hefe di servicio veterinario, esta Pieter Barendse, tambe veterinario, ta un bolutario cu e plataforma. El a bisa cu e prome bon resultado di e plataforma tabata pa e ley bay na vigor y awo nan

un promedio di un cacho pa cada ocho persona.

Mester pensa prome cu tuma un cacho, pasobra un cacho ta trece responsabilidad cun'e, Barendse a remarca. E plataforma ta desea un mehoracion duradero den e situacion, y no cu ora, por ehempel, kita un cacho e doño, sin haci ningun cambio of mehoracion, ta bay y tuma un otro cacho. □

